

SCRIPT OF MORNING GOJRI NEWS BULLETIN 18NOV 2025 1015HRS

مارننگ گوجری نیوز بولیٹن 18 نومبر 2025

یوہ آکاشوانی جموں ہے عبدالرحمان تیں خبر سُنو۔

LG JK DEVP

لیفٹیننٹ گورنر منوج سنہا نے کل فریدآباد ہریانہ مانہ منعقدہ شمالی ڈونل کونسل غی 32ویں میٹنگ مانہ شرکت کی اس موقع ور اپنا خطاب مانہ لیفٹیننٹ گورنر منوج سنہا نے کہیو جے وزیر اعظم نریندر مودی غی قیادت تے مرکزی وزیر داخلہ امت شاہ غی لگاتار رہنمائی مانہ اگست 2019 تیں جموں کشمیر نے ترقی تے سلامتی غا شعباں مانہ نمایاں تے نویں بلندیں حاصل کی ہیں لیفٹیننٹ گورنر موصوف نے مرکزی وزیر داخلہ امت شاہ غو شکریو ادا کرنا واں کہیو جے کرن تے ہمہ جہت ترقی غی راہ ہموار کرن مانہ اہم کردار ادعا کیو ہے اُنہاں نے کہیو جے دفعہ 370 غی منسوخی تیں بعد جموں کشمیر نے معاشی ترقی سرمایا کاری بُنیادی سطح ور جمہوریت غا فروغ تے نوجواناں و خواتین واسطے بہتر موقعان غی صورت مانہ تاریخی تبدیلیں دیکھی ہی تے اس غے علاوہ حفاظتی صورتحال مانہ وی نمایاں بہتری آئی ہے۔

CM JK DEVP VISION

وزیر اعلیٰ عمر عبداللہ نے کل فریدآباد ہریانہ مانہ منعقدہ شمالی ڈونل کونسل غی میٹنگ سنگ خطاب کیو ہے آکاشوانی جموں گا نمندہ غی رپوٹ غے مطابق میٹنگ سنگ خطاب کرتا واں وزیر اعلیٰ نے جموں کشمیر مانہ مشن یوا غا آغاز نانہ اُجاگر کیو تے کہیو جے حکومت غی توجو بکھ بکھ شعباں نانہ مضبوط کرنو تے مرکزی زیر انتظام علاقہ مانہ ایک مضبوط کاروباری ماحالیاتی نظام قائم کرنو ہے اُنہاں نے کہیو جے شمالی ڈونل کونسل مرکزی زیر انتظام علاقان تے ریاستاں بشکار تعاون بدھان غو ایک اہم پلیٹ فارم ہے تے اُنہاں نے اس گل ور زور دتو کہ جموں کشمیر جمہوری اداراں ور مکمل اعتماد رکھتا واں قومی ترقی بارے پوری طرح پُر عزم ہے حالیہ دہشت گردانہ حملان غو حوالو دیتا واں وزیر اعلیٰ نے اس گل غی ضرورت ور زور دتو جے دہشت گردی غو مقابلو پُر عزم طریقہ سنگ کیو جے جد کہ جموں کشمیر غا باشندان ور شک نہیں کیو جانو چاہیے اُنہاں نے مزید کہیو جے ایت غا لوک امن پسند ہیں تے ویکست بھارت ویکست جموں کشمیر غو خواب دیکھیں۔

CM BOCWWB

وزیر اعلیٰ عمر عبداللہ جہڑہ جموں کشمیر عمارتی و دوجا تعمیراتی ورکرز پہلائی بہتری بورڈ غا چیئر مین وی ہیں نے کل اس بورڈ غی اہم فلاحی سکیمیاں غے تحت اہل مستفیداں واسطے برائے آن لاین منتقلی واسطے 30 کروڑ 14 لکھ روپیاں غی رقم منظور تے واگزار کی آکاشوانی جموں گا نمائندہ غی رپوٹ غے مطابق یاہ رقم تمام اسٹینٹ لیبر کمشنراں نانہ مُنقل کی گئی ہے تانجے اس نانہ فوراً اندراج شدہ مزدوراں گا بینک کھاتاں مانہ جمع کیو جاسکے منظور شدہ امداد کئی نمایاں پہلائی بہتری آلی سکیمیاں غو احاطو کریں جن غو مقصد تعمیراتی مزدوراں تے اُن غا خانداناں غی مدد

کرنو ہے ان مانہ تعلیم واسطے معاونت معزوری واسطے امداد شادی غی مالی معاونت
تے مزدوراں غا بچاں واسطے امتیازی کارکردگی غا اعزاز شامل ہیں۔

ITOO WOMEN MGRS

وزیر تعلیم سکتینہ اتونے کل کشمیر یونیورسٹی مانہ منعقدہ ترے روزہ قومی
ورکشاپ اعلیٰ تعلیم مانہ خواتین منظمین واسطے لیڈر شپ پروگرام مسائیل مواقع تے
حکمت عملیں سنگ خطاب کیو اپنا خطاب مانہ جت وے مہمان خصوصی تھیں انہاں نے
کہیو جے اداراں نانہ چاہیے کہ وے اجتماع ی طور ور کم کریں تاجے خواتین نانہ
احترام تے تعاون گو احساس وے انہاں نے کہیو جے خواتین ہون وہ کردار سنبھال رہی
ہیں جہڑو پہلاں اُن غادسترس تیں باہر تھو مگر اُن غی ترقی ایسا ماحول ور مختصر
ہے جے وے خود نانہ محفوظ اُن غی گل سنی جاتی وی تے قابل قدر محسوس
کریں انہاں نے مزید کہیو جے خواتین غی صلاحیتاں تے خدمات نانہ تسلیم کیو
جانو چاہیے تے انہاں غی پُر اعتماد طریقہ سنگ قیادت غی ذمے داریں سنبھالن غی
حوصلہ افزائی کی جاتی چاہیے۔

NIA CAR BLAST

قومی تحقیقاتی ایجنسی نے سریگر مانہ جاسر بلال وانی نانہ گرفتار کیو ہے جہڑو
خودکش عمران بنی غو چست شریک سازس تھو جس غا سلسلہ مانہ پچھلے ہفتے
لال قلعہ دلی غے نیڑے ایک کار بمب تماکو ہوو تھو جس مانہ 13 افراد غی موت ہوئی
وانی جہڑو جموں کشمیر غا ضلع اننت ناگ غا علاقہ قاضی گنڈ گو بسنیک ہے این آئی
اے غے مطابق مبینہ طور ور دہشت گردانہ حملاں واسطے تکنیکی مدد فراہم کرے
تھو، جن مانہ تماکہ خنر مواد مانہ تبدیلی تے حملہ تیں پہلاں راکٹ بنان غی کوشش
شامل ہیں این آئی اے نے اپنا بیان مانہ کہیو جے وانی جس غو دوجو ناں دانش وی
دسیو جے نانہ سرینگر تیں این آئی اے غی ٹیم نے گرفتار کیو ہے۔

JKBOSE EXAM FORMS

سکولی تعلیم بارے جموں کشمیر بورڈ نے 10 ویں تے 12 ویں جماعتاں غا سالانہ فروری
مارچ سیشن 2026 غا ریگولر امتحانی فارم اُن لائین جمع کروان غو اعلان کی و
ہے آکاشوانی جموں غا نمائندہ غے مطابق نوٹفکیشن جاری ہون تیں بعد جموں صوبہ گا
گرمائی ذون گا تمام اہل طلباء 19 نومبر تیں 3 دسمبر تک معمول غی مقررہ فیس غے سنگ
اپنا فارم اُن لائین جمع کر سکیں فارم دیری آلی فیس غے سنگ 4 دسمبر تیں 12 دسمبر
تے 11 دسمبر تیں 17 دسمبر تک وی جمع کروایا جاسکیں بورڈ نے تمام متعلقہ اداراں نانہ
ہدایت کی ہے جے وے امتحانی فارماں غی بروقت جمع آوری نانہ یقینی بناویں۔

STRIPED HYENAS

جامبو چڑیا گھر مانہ ترے لکیر دار لگڑ بگا لیا یا جارہیا ہیں جے اج جے پور گا نہاڑ
گڑھ بائیولا جیکل پارک تیں جموں یج رہیا ہیں تے 20 نومبر 2025 تیں عوام گا دیکھن
واسطے کھول دتا جیں گا 2 ہمالیائی کالا رچھ دین تیں بعد یے تھایا ہیں لکیردار لگڑ بگا
بھارت غی واحد دیسی ہاینا نسل ہے جہڑا راجستھان، گجرات، مدیا پردیش،
مہاراشٹرا، تے خشک علاقاں مانہ پایا جیں۔

SMVDSB

شری ماتا ویشنو دیوی شرائین بورڈ غا سی ای او سچن کمار ویشیا نے شرائین گ
علاقاں مانہ حفاظتی تے آفات تیں نمڑن بارے تیاریاں غو جائیزو لیو اُنہاں نے افسراں
نانہ این ڈی آر ایف غے نال باقاعدہ مشق اگ تیں بچاو ایس او پیز ور سختی تیں
عمل آلات غی تیاری تے محکماں غے بشکار بہتر تامل میل غی ہدایت دتی۔
